



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vicentin. Episcopo.

urn:nbn:de:hbz:466:1-20006

*HVBALDO PISANO
Archiepiscopo, ejusque successoribus
canonice substituendis in perpetuum.*

*Epist. 56.
De confirma-
tione Turritan.
& Arbonen.
provinciarum
primatus.*

SI sua cuique jura illibata servamus, & eos qui in Ecclesia Dei pro injuncto sibi officio & devotione sincera plus aliis elaborant, dignæ retributionis vicissitudine diligentius ac specialius honoramus, quod nostrum est juxta commune debitum, sicut debemus, exequimur, & apostolicæ sedis honorem integrè custodimus. Proinde cum felicis memoriæ prædecessor noster Innocentius Papa de discordia & guerra, quæ inter Pisan. & Ianuen. civitates exiit, multas hominum clades & Christianorum captivitates innumeras provenisse considerans, utriusque partis salutem spiritualiter quàm temporaliter paterna sollicitudine studuerit providere, atque pro bono pacis, & recompensatione episcopatuum, quos utique à prædecessoribus nostris Romanis Pontificibus Ecclesiæ Pisane concessos in insula Corsicæ à prædecessore tuo bonæ memoriæ Archiepiscopo Vberto accepit, in Galuren. judicatu duos episcopatus, Galen. videlicet & Civitaten. & Populonien. episcopatus, sibi ejusque successoribus, & per eos Ecclesiæ Pisane concesserit, & metropolitico jure subjecerit, Nos, qui in sedis apostolicæ administratione, licet indigni, disponente Domino sibi successimus, eandem concessionem, antecessorum nostrorum bonæ memoriæ Adriani, Alexandri, Clementis, & Celestini Papæ vestigiis inhaerentes, auctoritate apostolica confirmamus, & ratam manere censemus. Prædecessorum quoque nostrorum vestigiis inhaerentes, vobis primatus honorem Turritan. provinciae confirmamus. Ad majorem etiam honoris cumulum Pisan. civitatis, ut Pisan. Ecclesia cum universo ejusdem civitatis populo in fidelitate atque devotione sacrosanctæ Romanæ Ecclesiæ jugiter perseveret, & in ipsa quotidie augmentetur, pro devotione quoque & honestate tua frater Vbalde Pisane Archiepiscope, personam tuam & per te Pisan. Ecclesiam ampliori munere volumus decorari. Tibi ergo tuisque successoribus primatum super Calaritan. & * Arbonen. provincias datum concedimus, & auctoritate sedis apostolicæ confirmamus; ita quidem ut eos ad Concilium

vocandi, excessus eorum corrigendi, & in doctrina apostolica confirmandi, atque cetera omnia, quæ ad jus primatus pertinent, in eos exercendi habeatis liberam facultatem. Veruntamen supradictarum duarum provinciarum Archiepiscopos ad Concilium non vocabitis Pisas, sine conscientia Rom. Pontificis. Super Turritan. verò provinciam, dignitatem primatus, sicut à prædecessoribus nostris Ecclesiæ Pisane concessum est, habeatis. Legationem quoque Sardiniae à prædecessore nostro Papa Urbano prædecessoribus tuis concessam, & felicis memoriæ Innocentij, & sanctæ recordationis Eugenij, atque Anastasij, & Celestini Romanorum Pontificum privilegiis in perpetuum roboratam, tibi tuisque successoribus presentis scripti pagina confirmamus, & confirmationem ipsam ratam & inconvulsam perpetuis temporibus decernimus permanere. Denique ut Pisan. civitas, quæ favore cælestis numinis de inimicis Christiani nominis victoriam frequenter obtinuit, & eorum urbes plurimas subjugavit, amplius honoretur, equo albo cum * nacho albo in processionibus utendi, & crucem, vexillum scilicet dominicum, per subjectas vobis provincias portandi, & per spacium illud Wlteran. episcopatus, quo de Pisan. episcopatu ad Populonien. transitur, tibi tuisque successoribus licentiam damus. Pallij quoque usum fraternitati tuæ concedimus, ut videlicet eo secundum consuetudinem Pisan. Ecclesiæ perfruaris, & in consecrationibus trium Episcoporum in Corsica, Alerien. videlicet, Adiacen. & Sagonen. ac prædictorum duorum in Sardinia, & Populonien. Episcopi, quorum Metropolitanus existis. Si qua igitur in futurum &c. Datum Laterani.

VICENTIN. EPISCOPO.

AD aures apostolatus nostri pervenit quòd cum quidam parochiani tui ausu diabolico bonæ memoriæ I. quondam Vicentin. Episcopum prædecessorem tuum nequiter peremissent, feuda & beneficia, quæ à Vicentin. Ecclesia obtinebant, ipsis per sententiam fuerunt cum multa deliberatione sublata. Quia igitur majori etiam sunt animadversione plectendi, nos bonæ memoriæ Celestini Papæ prædecessoris nostri vestigiis inhaerentes, tam tibi quàm successoribus tuis * inhihemus, ne alicui

*Intelligit Vrbano
num II.*

**Vgbell. navo,*

*Epist. 57.
Vt feuda, &
beneficia inter-
fectoris Vicen-
tin. Episcopi per
sententiam
sublata non res-
tituantur eisdem,
nec alia conferantur.
Cap. Ad aures,
de penis.*

**In quarta Col-
lectione Ep. apud*

**Apud Vgbelli,
Albarencem.*

Gregorium IX. legitur, auctoritate apostolica prohibemus.

ex prædictis malefactoribus, aut eorum heredibus, prædicta beneficia restituantur ulterius, seu de novo eis alia quælibet conferantur. Si quis autem (quod non credimus) contra hoc aliquid attentaverit, ipsum auctoritate apostolica decernimus officij beneficiique sui dignitate carere. Quod si aliquæ literæ aliquando super hoc apparuerint impetratæ, quæ totius facti non contineant veritatem, illas penitus vacuumus. Volumus etiam ut præsens pagina sub Sacristæ Ecclesiæ Vicentin. custodia deponatur, & Episcopo Vincentin. qui pro tempore fuerit, annis singulis ostendatur. Nulli ergo &c. Datum Laterani XII. Kalend. Aprilis.

ZAMOREN. EPISCOPO.

Epist. 58. De relaxatione sententiæ quam Legatus Ecclesiæ Rom. in ipsum & Ecclesiâ tulerat Zamoren.

PRÆTER debitum officij pastoralis, quod nos omnibus constituit debitores, personam tuam tanto amplius diligimus, & sinceriùs amplexamur, quanto amplius es præditus scientia literarum, & tam in canonico quàm civili jure peritus. Hoc siquidem attendentes, cum ad sedem apostolicam, dum adhuc bonæ memoriæ Cel. Papa prædecessor noster viveret, accessisses, ab excommunicationis sententiâ, quam dilectus filius noster G. sancti Angeli diacon. Card. in te, dum in partibus Hispaniæ legationis fungeretur officio, tulerat, te & Ecclesiâ Zamoren. absolvimus; & poenam, si quam ex eo quod celebraveras post interdicti & excommunicationis sententiâ, quam in te post appellationem interpositam eundem Cardinalem tulisse dicebas, merueras, tibi & Ecclesiæ tuæ de sedis apostolicæ benignitate remisimus, & cum plenitudine gratiæ nostræ te ad propria duximus remittendum. Datum Laterani VII. Kalend. Aprilis.

SANCTÆ MARIÆ
& sancti Petri Decanis, & VII.
Cancellario Laudunensi.

Epist. 59. De causæ cognitione, quæ inter Archidiaconum Laudunen. & magistrum R. Balbum super donatione Ecclesiæ de Ascheri.

CVm accessissent ad apostolicæ sedis præsentiam dilecti filij E. presbyter, & T. clericus, pro quæstione quæ vertebatur inter dilectos filios H. archidiaconum Laudunen. & magistrum R. Balbum super donatione Ecclesiæ de Ascheri, eis dilectum filium nostrum I. tituli sancti Stephani in Cælio Monte Presbyterum Cardin. concessimus audi-

tozem: in cujus fuit præsentia ex parte præfati magistri R. & sacerdotis ab eo præsentati taliter allegatum, quod cum Ecclesiâ prædicta vacaret, cujus donatio dictis R. Canonico & H. Archidiacono Laudun. pertinebat, Archidiaconus eam cuidam puero, nondum vigesimum annum attingenti, contulit, memorato magistro penitus reclamante. Cumque idem magister Archidiaconum memoratum rogasset ut in personam idoneam convenirent, ipse archidiaconus propositum mutare nolens, Ecclesiâ eandem prælibato E. presbytero contulit, qui in ea posset personaliter deservire; & ne super hoc in præjudicium suum aliquid fieret, ad sedem apostolicam appellavit. E contra pro parte adversa nuncius respondebat, quod præfatus Archidiaconus præfatum Ecclesiâ, in suo Archidiaconatu positam, tanquam ipsius loci Archidiaconus, & patronus, cuidam subdiacono literaturæ & moribus commendando concessit. Et ferè super Ecclesiâ ipsa, quantum est in narratione negocij, una erat partis allegatio utriusque. Cum igitur juxta sacrorum canonum instituta illi sint in domo Domini præferendi, qui majoribus studiis & meritis adjuvantur, nec infra ætatem legitimum constitutis animarum cura tribui debeat vel committi, discretionis vestræ per apostolica scripta mandamus, quatenus, si legitime vobis constiterit jus patronatus ejusdem Ecclesiæ ad illos duos communiter pertinere, ac præfatum Archidiaconum reclamante jam dicto magistro R. Ecclesiâ memoratam illi, qui nondum ætatis suæ annum vigesimum attingisse proponitur, contulisse, vos ejus penitus ordinatione cassata, sæpenominatam Ecclesiâ, non obstante contradictione vel appellatione cujuslibet, memorato E. sacerdoti, (de quo nobis à multis laudabile testimonium perhibetur) si idoneus est, auctoritate apostolica assigneris, & faciatis ipsum eandem pacificè possidere, ducentes in statum pristinum quicquid post appellationem ad sedem apostolicam legitime interpositam temerè noveritis attentatum; nullis obstantibus literis, si quæ apparuerint à sede apostolica præter assensum partium impetratæ. Datum Laterani ix. Kal. Aprilis.

Leo r. in epist. ad Anastasium Thessalon.

ZYCEN.